




集驗良方

二

藏書

武 9
102
2



10 15 20 25

門下四
冊 102
卷 2

集驗良方目錄卷一

感冒門

參蘇飲

救苦丹

治冬至後至春分前受寒氣

神效寸金丹

加味調中飲

川芎茶調散

治虛弱腠理不

密易於感冒風寒

開結丸

六神通解散

五積散

人參散毒散

太乙紫金丹

治一切飲食藥毒



目錄

治南方山嵐瘴氣

治癰疽發背

治陰陽二毒

治赤白痢疾

治男婦急中癩邪

治中風中氣口眼歪斜

治一切惡蛇風犬傷

治新久瘡疾

治小兒急慢驚風

治牙疼

治小兒因父母遺毒

治打撲傷損

治湯火傷

治年深月久頭脹頭疼
太陽痛

治婦女經水不通

治傳尸癆瘵

治遇天行疫症

治傷寒發汗方

粒金丹

呂真人達方散

大金丹

瘟疫瘴氣門

升麻葛根湯

敗毒散

菩提丸

秘傳解瘟散毒湯

治瘟疫消斑飲

加減敗毒散

治瘟方

辟邪丸

辟瘟丹

普濟消毒散

青黛湯

預防瘟疫方

治大頭瘟 項腫蝦蟆瘟病

治大頭瘟 頸臉皆腫

犀角清毒飲

發汗散

治瘟疫大熱之症

治大熱大煩晝夜不退

治瘴氣湯

治瘴氣方

廣濟丸

一聖救苦丹

除瘟救苦丹

普救五瘟丹

行軍散

補益門

治五癆七傷 咳嗽吐血等症

五子益腎養心丸

烏鬚種子方

補天大造丸

返本丸

滋陰補精種玉丸

菊英丸

保真丸

七精丸

八聖丹

少陽丹

女貞丹

滋陰大補丸

全羊丸

魚鱈丸

綿花子丸

固精種子羊腎丸

治男女癆症

坎離丸

大增力丸

服烏麻丸方

加味瓊玉膏

治形體黑瘦枯槁

治虛弱枯瘦食而不化

秘傳秋石丹

治癆蟲

治癆熱

補氣湯

補精膏

服牛骨髓法

養老膏

養老丹

燒香治癆方

九轉丹

滋陰百補丸

長春方

治癆瘵

虛癆發熱

延年却病方

六味丸

桑椹丸

悅澤面容

治小兒稟賦腎經虛

治心虛

治肺虛

治脾虛

治肝虛

治腎虛

金匱桂枝龍骨牡蠣湯

小建中湯

黃芪建中湯

紅玉膏

種子復本方

長春廣嗣丹

強精神悅顏色

固本種子丸

益元資始丸

長生丹

益元延年益壽七寶丹

大培丹

延壽丹

彭祖秘服接命丹

資生大造丸

扶桑延年至寶丹

仙傳斑龍丸

霏雲神膏

紫霞丹

保真丸

保養延壽不老丹

長春至寶丹

三妙丹

天河不老丹

益壽黑豆方

陽痿門

延齡丹

鶴齡丹

太乙種子方

治脾腎兩虛精髓不固

治陽痿方

長春至寶丹

治男子陽痿囊濕
女人陰痒

治囊濕搔痒方

比天煖臍膏

煖臍膏方

養元湯

人參養榮湯

烏龍丸

干口一盃酒方

千金封臍膏

毓真膏

洞府保養靈龜神方

[Faint bleed-through text from the reverse side of the page]

感冒門

世間真傷寒病少而感冒病多感冒病少而時疫病多不可一見頭疼身熱便呼為傷寒如果真患傷寒之病方可以正傷寒藥治之若係感冒之病不可與傷寒之法同治如係瘟疫之病又當以瘟疫之法治之方不誤戕人命

凡傷寒必頭疼其疼也不間晝夜探其舌本必從喉嚨內乾出於外多兼煩躁不煩躁者即輕證也不頭疼而發熱不發熱而頭疼頭雖疼而有時暫止口雖

乾而舌本不燥骨雖疼而頭不疼口雖渴而不欲引
飲至夜或偶得寐遇食不好亦不惡居處雖若庶怯
而神氣安靜諸若此者皆非真傷寒也

冬時嚴寒萬物閉藏偶觸冒之而卽病者爲傷寒不
卽病者寒毒藏於肌膚中至春變爲瘟病至夏爲熱
病治若混同未免誤殺又春夏秋間有非時客寒人
暴感之名曰感冒其證鼻塞涕咳嚏頭痛身微發
熱微惡寒所病亦輕治之亦異飲食雜證類傷寒誤
投湯藥藥用汗下未有不因之而斃者不可不慎也

內傷與外感之分生死反掌尤當辨明

凡治傷寒初感止有太陽少陽等症無論有汗無汗
一見頭痛身疼發熱惡寒渾身拘繫卽當用參蘇飲
加減治之不可遽用麻黃桂枝升麻等藥投之恐引
病入陽明胃經助動胃中邪火飲食之物薰蒸燥結
不下胸膈堅硬不便不通發爲紅黑二斑以致譫語
發狂當此之時還不知以下藥通之仍用表藥補藥
則邪火愈熾陰血愈耗斃人性命不少矣若遽用黃
芩梔子牛蒡石膏等寒藥投之恐引病入陰經始而

胃寒嘔吐後則腹痛泄痢手足逆冷表邪不能解散
七日以後忽變大熱煩渴譫語神昏不可救矣故傷
寒感冒之初止宜用連鬚葱白數莖紫蘇葉二三錢
連皮生薑三四錢煎服取汗而愈庶爲穩當如有飲
食積滯發熱之症當於參蘇飲內加消導之藥治之
食積類傷寒頭疼發熱惡寒氣口脈緊盛但身不痛
與傷寒不同耳近年此病甚多時醫不知概用發汗
之藥誤矣

傷寒病症難辨且難治尚地方無明醫可請慎勿輕
用庸醫及妄聽人亂用方藥反致壞事須是謹避風
寒忌食米粒戒房事勞碌靜自守待七日後其病傳
遍經絡雖不服藥亦自愈只是耐煩待之却無害也
古語云傷寒不服藥爲中醫正謂此也

世人外感病少而內傷病多如內傷一而外感九病
止一分內傷二而外感八病止二分內傷九而外感
一病至九分若內傷十分而外感全無則病難救矣
此時醫家誤認內傷爲外感者甚多往往誤人性命
故凡治感冒之病先要辨明內傷外感用藥治之方

免輕病變重之患矣

凡傷風惡風傷寒惡寒傷熱惡熱傷食惡食不可拘
定日數先當散其外邪再按症祛其內病自無不愈
若外邪未除遽用補劑以固其外或用涼劑以遏於
內必致變輕為重延纏日久補瀉難施矣

凡寒症前三日在陽分當從汗解四日以後病人陰
分當從泄解病在裏不可遽用發汗藥恐其表虛也
病在表不可遽用涼藥恐引邪入內也

東垣曰人迎脈大於氣口為外傷氣口脈大於人迎

為內傷外傷則寒熱齊作而無間內傷則寒熱間作
而不齊外傷惡寒雖近烈火不除內傷惡寒得就溫
煖則解外傷惡風乃不禁一切風內傷惡風惟惡乎
些小賊風外傷證顯在鼻故鼻氣不利而壅盛有力
內傷證顯在口故口不知味而腹中不和外傷則邪
氣有餘故發言壯厲且先輕而後重內傷則元氣不
足出言懶怯且先重而後輕外傷手背熱手心不熱
內傷手心熱手背不熱內傷頭痛時作時止外傷頭
痛常常有之直須傳裏方罷內傷則怠惰嗜臥四肢

不收外傷則得病之日卽着牀枕非扶不起筋攣骨痛外傷不能食然口則知味而不惡食內傷則惡食而口不知味外傷三日以後穀消水去邪氣傳裏必渴內傷則邪氣在血中故不渴

東垣論飲食勞倦爲內傷不足之證治用補中益氣湯又論不足之中又當分別飲食傷爲有餘勞倦傷爲不足若傷飲食而留積不化以致宿食鬱蒸發熱於外此爲有餘之症法當消導若因傷飢失飽奔走勞碌致損脾胃非有積滯者也只宜用補中益氣湯

加減治之蓋脾胃全賴飲食之養今因飢飽勞碌失其所養則脾胃虛矣又脾主四肢若勞力過度或飲食不調之後加之勞力或勞力過度之後繼以不調皆謂內傷元氣不足之證宜用補藥但須於此四者之間審察明白畧用加減則無不效矣

近日醫家遇富貴人并年老人不開病之虛實一例徒補每致大誤此與當用不用者等於亡羊

傷寒屢行發散而汗不能透陰氣不能達也人知汗屬於陽升陽可以解表不知汗生於陰養陰可以發

汗也

內熱不解屢清火而熱不退人知寒涼可以去熱不知壯水可以去火也

正虛邪旺久而不痊但與補正其邪自除

參蘇飲 治傷風感冒發熱頭疼咳嗽涕稠疎邪

清氣消痰除熱此治感冒之第一方也

蘇葉

葛根

製半夏

前胡

陳皮

白茯苓

枳壳

各等分

木香

五分

桔梗

甘草

四分

薑棗煎服咳嗽去木香加桑白皮杏仁各一錢

肺熱加炒黃芩一錢如虛弱加人參一錢

救苦丹 治傷寒感冒頭疼口渴身熱目脹筋

骨酸疼一切風寒之症居家出門不可少之藥

也

紫蘇葉

四兩

羌活

四兩

川芎

二兩

生草

一兩

黃芩

酒炒二兩

防風

二兩

白芷

二兩

生地

二兩

北細辛

一兩

南蒼朮

炒二兩

陳皮

二兩

葛根

四兩

香附

炒三兩

共為細末生薑汁打麵糊為丸桐子大每服三錢葱湯下或做彈子大亦可

治感冒初起身熱頭疼口乾無汗用此發汗兼治

水瀉

生薑 三錢 核桃肉 三個 連薑葱白 七個

六安茶 二錢 陳者佳

用水二碗煎八分熱服出汗

治冬至後至春分前受寒氣

生薑三片連頭葱鬚三莖水煎服

神效寸金丹 治一切感冒惡心嘔吐泄瀉傷食

發熱治一切雜症之要藥也

烏藥 防風 羌活 前胡

白芷 川芎 製半夏 薑炒 赤茯苓

砂仁 炒以上各三兩 枳壳 炒一兩 炙草 一兩

白蔻仁 炒二兩 草果仁 淨一兩 厚朴 薑炒 木香

紫蘇 薄荷 蒼朮 炒 香附 炒

藿香葉 陳皮 以上各三兩

共為細末用神曲二十三兩研末用薑汁打糊
和藥為錠每錠重三錢陰乾用硃砂水飛為衣
薑湯化下

加味調中飲 治食積類傷寒頭痛發熱惡寒氣

口脈緊盛但身不疼為異耳經云飲食自倍脾
胃乃傷世人患此病者甚多而醫家誤認為傷
寒用藥發汗陰血愈耗以致胃中積滯燥結不
下每致變輕為重故將治法表出以便參考

白木土炒一錢

山查肉五分

神曲炒一錢

枳實炒一錢

草果六分

黃連薑汁炒六分

炙甘草三分

乾薑炮三分

生薑煎服腹中痛加

桃仁大黃去草果乾薑

川芎茶調散 治傷風頭目發暈鼻塞聲重

南薄荷八兩

川芎四兩

羌活二兩

生草二兩

細辛一兩

防風一兩五錢

荆芥四兩

共為細末每服二錢食遠茶調下

治虛弱腠理不密易於感冒風寒

感冒

防風 一兩

白木 二兩 炒

黃芪 蜜炒 二兩

共剉一處每服三錢水一鍾半棗一枚煎服此方一名玉屏風散

開結丸 治渾身發熱頭疼足酸胸中飽悶大便

燥結十數日脹急不下服發汗藥不效用此一

劑以除內邪此藥力量稍緩不比承氣湯太峻

利也

黑丑 一筋取 頭末

熟大黃 一筋

製半夏 四兩 薑汁炒

製南星 二兩 薑汁炒

白礬 二兩

皂莢 一筋 去子 去弦

葶藶子 四兩

木香 二兩

青皮 四兩 醋炒

枳實 炒 四兩

共為細末水丸桐子大每服二三錢不等小兒服數分薑湯下

時行三月後謂之晚發頭疼身熱惡寒脈洪數先服

中和湯不愈宜六神通解散

麻黃

甘草

黃芩

石膏

滑石

蒼朮

川芎

羌活

細辛

水二鍾薑三片豆豉一撮葱白二莖煎服

外感寒邪頭疼身痛內傷生冷肚腹脹痛表裏皆中
寒邪也宜五積散

白芷

陳皮

厚朴炒

桔梗

川芎

枳壳炒

白芍炒

白茯苓

蒼朮

當歸

半夏

炮各錢

乾薑

官桂各五分

麻黃

八分

甘草三分

薑棗煎服

人參敗毒散

治感冒頭疼身熱及傷風痰涎欬

嗽鼻塞聲重四時瘟疫熱毒頭面腫痛痢疾發
熱諸般瘡毒及小兒驚風喘嗽痘疹時行

薄荷

柴胡

前胡

羌活

獨活

枳壳

炒

桔梗

白茯苓

川芎

以上各二錢

生甘草

五分

人參

八分

水三鍾生薑三片葱頭三個煎服○口渴加黃

芩○欬嗽加製半夏○熱毒加黃連黃芩黃柏

山梔子○風熱加荆芥防風○酒毒加乾葛黃

連○瘡毒加金銀花連翹去人參○時行痢疾

發熱噤口加酒炒白芍黃連去人參

大抵感冒之疾三日之前宜用辛涼之藥發散

三日之後宜用和解真實有內症可下則下之
切不用藥。附子等諸性熱之藥若服熱藥則
症勢必增蓋感冒始終只是熱疾也

太乙紫金丹 解諸毒及諸瘡利關節通治百病
此藥真能起死回生製之濟人奇效不可盡述
凡居家出入與大工動大兵及閩廣雲貴任宦
者不可無之

山茨菇

洗去毛皮
淨焙二兩

川文蛤

一名五倍子槌

麝香

揀淨毛皮乾
者研淨三錢

千金子

一名續隨子仁
白者去油一兩

硃砂

有神氣者研
極細末三錢

雄黃

鮮紅大塊者研
極細末三錢

以上諸藥各擇精品於淨室中炮製畢候端
午七夕重陽或天德天醫月德黃道上吉之
辰淨室修合日前俱宜齋沐更換新衣帽臨
日方入室中淨手薰香預立藥王牌位主人
率眾焚香拜禱事畢將前藥六味復等秤準

入于大乳鉢內再研數百轉方入細石臼中
漸加糯米濃飲調和燥濕得中方用杵搗干
餘下至光潤爲度每錠重一錢每服一錢病
勢重者連服二錠以取通利後用溫粥補之
修合時除合藥潔淨之人餘皆忌見此藥惟
在精誠潔淨爲効

一治一切飲食藥毒蠱毒瘴氣及喫自死牛
馬猪羊六畜等肉惡菌中毒人誤食之必昏
亂卒倒或生異形之症並用涼水磨服

一治南方山嵐瘴氣烟霧腐疫最能傷人纏
覺意思不快憎寒惡熱欲嘔不嘔急用涼水
磨服

一治癰疽發背對口疔瘡天泡無名腫毒蛙
節紅絲等疔及楊梅結毒等諸惡瘡諸風癩
癬新久痔瘡赤腫未破時並用無灰淡酒磨
服外用涼水磨塗患處日夜各數次覺癢立
消潰出膿血者亦可少減

一治陰陽二毒傷寒心悶狂言亂語胸膈痞

寒邪毒未出瘟疫煩亂發狂喉閉喉風俱用薄荷湯待冷磨服

一治赤白痢疾肚腹泄瀉急痛霍亂絞腸痧及諸痰喘等症並用薑湯磨服

一治心氣痛及諸般氣痛用無灰酒或薑湯磨服

一治男婦急中癲邪喝叫奔走鬼交鬼胎鬼氣鬼魘尖心狂亂羊兒猪癩等風俱用石葛蒲煎湯磨服

一治中風中氣口眼歪斜牙關緊急言語蹇澁筋脉攣縮骨節風腫遍身疼痛行步艱辛諸症並用酒磨頓熱服之

一治一切惡蛇風犬毒蛇溪澗諸惡等蟲傷人隨即發腫攻注遍身毒氣入裡昏悶喊叫命在須臾俱用酒磨灌下並塗患處再喫葱湯一碗被蓋出汗立甦

一治新久瘧疾臨發時取東流水煎桃柳枝湯磨服

一治小兒急慢驚風五疳五痢脾病黃腫瘡
瘤牙關緊閉並用薄荷浸水磨濃加密調服
仍磨搽患處

一治牙痛水磨塗痛處再含少許良久嚥下
一治小兒因父母遺毒生下百日內皮塌爛
斑穀道眼眵損爛者俱用清水磨服

一治打撲傷損用松節炒沖入無灰酒磨服
一治湯火傷用東流水磨塗傷處

一治年深月久頭脹頭疼太陽痛偏正頭風
及時病愈後毒氣攻注腦門作脹者俱用葱
酒磨服仍磨塗太陽穴上

一治婦女經水不通紅花湯磨服

一治傳尸癆瘵諸藥不能禁吐凉水磨或檀
杏湯磨服

一遇天行疫症延街及巷相傳遍染者用桃
根煎湯磨濃抹入鼻孔次服少許任入病家
再不沾染

一服此丹大人用一錢虛弱者減半小兒未

及週歲者每服半分或一分一二歲者服二三分得或吐或利即効勢重者連服二錢以取通利後用溫粥補之孕婦忌服時常佩帶能祛疫癘邪氣真濟世衛身之寶藥也

治傷寒發汗方

南蒼朮

飛白磬

乾薑

各等分俱為細末共一處每服一二錢將連根葱白搗爛拌藥和成丸令病人手拿對安自己不便處其手男左女右再吃棗豆湯一碗汗出即愈如汗來遲再服湯一碗

一粒金丹 治男婦小兒諸症

雄黃 五錢

鬱金 五錢

巴豆霜

五錢去油即為霜

乳香

去油一分錢五分

沒藥

一分錢五分

木香

一分錢五分

陳皮

一分錢五分

牙皂

一分錢五分

以上共為細末醋糊為丸如黃豆大硃砂為衣照後引服

心疼薑湯下

急心疼五靈脂湯下

重心疼

檳榔湯下

血山崩槐花湯下

諸瘡傷寒瀉

體腫痛俱用麻黃湯下 血脈不調紅花蘇木

湯下 口眼歪斜當歸湯下 中暑冷水下

嘔吐乳香湯下 小兒風喉硃砂湯下 乾血

癆黑豆紅花湯下 宿食米湯下 腰疼杜仲

湯下 酒傷白糖湯下 產後熱芍藥湯下

吐痰白痢內傷肚脹俱用薑湯下 紅白帶下

紅花酒下 腹疼艾醋湯下 紅痢甘草湯下

積聚黃酒下 咳嗽杏仁七枚去皮尖煎湯下

咽喉痛雄黃湯下 頭疼清茶下 大便閉澀

皂角湯下 吐泄乾薑湯下 小兒驚風薄荷

湯下 三十六種風風狗咬俱用防風湯下

產後血不調紅花湯下

呂真人達玄散 秘傳得一利者其方不效

白犀角 一兩通稍白者 山茨菇 一兩剉碎

蘇黃 一兩去根 朴硝 一兩鎔

血竭 一兩小瓜兒 將五味合一處用生薑自然汁拌濕分十八分

各用烏金紙包裏外用熟紅棗二觔去核搗如

感冒

六

泥團如彈子大擺沙盆內上以沙盆蓋密上下
 加火烟盡為度候冷取出去淨紙包其藥如黑
 炭者佳將藥合勻每一錢加冰片二分研極細
 磁瓶收貯蠟封口勿令洩氣此方在端午日合
 或天醫日潔淨之處修合亦可必先發有陰陽
 之人僧尼內使勿先與也呂真人達玄散專治
 傷寒瘟疫痘疹初覺無名腫毒卒感心疼冷氣
 喉閉乳蛾瘡疾時行赤眼內外吹乳用銀簪蘸
 香油粘藥點大眼角男先左後右女先右後左

今日踏腰側臥蓋被出汗後吃清米湯稀粥忌

濕穢葷腥生冷氣惱勞碌房事如瘟疫日久不
 汗此藥先吹鼻次點眼蓋被覆臥半炷香即汗
 用陳米湯調養一日後食稀粥二三日全愈

大金丹

治疫癘心疼烏沙脹絞腸沙及

水瀉痢疾不服水土等症

甲巳之年甘草為君此藥屬土

乙庚之年黃芩為君此藥屬金

丙辛之年川黃柏為君此藥屬水

丁壬之年生梔子爲君此藥屬木

戊癸之年川黃連爲君此藥屬火

右每味各二兩凡爲君藥加一倍各味皆生剉
碎共爲細末用大黃三兩熬膏爲丸如彈子大
用硃砂四錢雄黃五錢爲衣再用上好赤金貼
丸在冬至夏至日合爲妙每服一九冷水磨服
百發百中

瘟疫瘴氣門

板此數篇不過存其類

瘟疫者其病與時氣寒熱等症相類乃天地不正之
氣感而受之狀若傷寒遞相傳染若體氣壯盛感之
淺者輕而易療若元氣虛弱感之深者重而難愈先
驗舌胎白者宜達原飲黃胎而仍有頭疼目脹寒熱
者宜三消飲若無頭疼目脹寒熱三陽症無者而舌
上胎厚甚則乾而芒刺此邪已入腑與傷寒同例當
于三承氣湯中擇而用之大勢已緩表裏未和者以
柴胡清燥湯和之血虛以柴胡養榮湯調之欬嗽者

以瓜貝養榮湯似瘧者以小柴胡湯加減調之欲知其中備細當于瘟疫秘書全集中求之庶無悞也

達原飲

檳榔 二錢 厚朴 一錢 知母 一錢 草果仁 五分

白芍 一錢 黃芩 一錢 甘草 五分

水煎午後溫服

凡疫邪遊溢諸經當隨經引用以助升泄如脇痛耳聾寒熱往來嘔而口苦此邪熱溢於少陽經也本方加柴胡一錢如腰背項痛此邪熱溢於太陽經也本

方加羌活一錢如目痛眉稜骨痛眼腫脹痛鼻乾不眠此邪熱溢於陽明經也本方加葛根一錢證有遲速輕重不等藥有多寡緩急之分務在臨時斟酌所定分兩大畧而已

瘟疫證舌上白胎者邪在膜原也舌根漸黃至中央乃邪漸入胃設有三陽現證用達原飲三陽加法兼有裏證復加大黃名三消飲三消者消內消外消不內不外也此治瘟疫之全劑惟毒邪表裏分傳膜原尚有餘結者宜之

三消飲

檳榔 二錢 厚朴 一錢 白芍 一錢 草果仁 五分

甘草 五分 知母 一錢 黃芩 一錢 柴胡 一錢

葛根 一錢 羌活 一錢 大黃 二錢五分 增損看虛實

三承氣湯見傷寒門

柴胡清燥湯

柴胡 一錢 黃芩 一錢 陳皮 一錢 花粉 一錢

知母 一錢 薑棗煎服

柴胡養榮湯

柴胡 黃芩 陳皮 甘草 當歸

白芍 生地 知母 花粉

瓜貝養榮湯

知母 一錢 天花粉 一錢 川貝母 一錢五分 瓜蒌 去心研

實 三錢 橘紅 八分 白芍 一錢 當歸 一錢 紫蘇子 酒洗

一錢 炒研 生薑 二片 溫服

小柴胡湯見傷寒門

人不大虛本方去人參不嘔去半夏加廣皮以和其

氣

瘴氣係山嵐蒸毒之氣其狀血乘上焦病欲來時令人迷困甚則發躁狂妄亦有啞不能言者皆由敗血瘀心毒涎聚於脾經所致

升麻葛根湯 治瘟疫傳染頭疼身熱惡寒遍身

癰疹發斑無汗等症

升麻 葛根 白芍各一錢

生甘草五分嘔吐者二分

水煎服如表熱加柴胡一錢裏熱加黃芩一錢鼻血吐血加生地丹皮各一錢熱甚加生梔黃

連各一錢咽痛加玄參馬勃各一錢大便秘加

枳壳大黃各一錢口渴加花粉一錢頭疼加川

芎一錢額痛加白芷一錢身疼加羌活一錢薄

荷一錢

敗毒散 治瘟疫初起 感冒之病 一名活人

敗毒散

羌活 獨活 前胡 柴胡 川芎

枳壳 白茯苓 桔梗各一錢 甘草五分 人參一錢

薑三片水煎服如有別症隨症加減口乾加黃

芩

菩提丸

治時行瘟疫諸病不服水土山嵐瘴氣

等症

陳皮

製半夏

薑汁炒

南蒼朮

炒

厚朴

薑汁炒

砂仁

炒

枳壳

炒

香附

酒炒

白茯苓

白扁豆

炒

黃芩

酒炒

藿香

南薄荷

紫蘇葉

南山楂

神曲

炒

麥芽

炒

生甘草

各十兩

共為末用荷葉煎湯為丸重三錢薑湯下

秘傳解瘟散毒湯

治天行瘟疫口渴咽腫發

熱無汗清解瘟疫內熱之要藥也

川芎

白芷

羌活

葛根

各一錢

柴胡

一分

生草

四分

赤芍

連翹

黃芩

花粉

桔梗

元參

淡竹葉

各一錢

燈心二十根水煎服若作丸每丸重三錢

治瘟疫消斑飲

瘟疫本屬陽誤投熱藥或當汗

不汗當下不下以致渾身疹子如錦紋之狀不可發汗重令開洩

柴胡一錢有汗五分 元參 一錢 黃連 一錢 知母 一錢

石膏煨二錢 生地 一錢 山梔炒一錢 犀角 一錢

青黛 一錢 甘草 五分

如大便實加大黃二錢薑引煎服

加減敗毒散 治眾人病一般者天行時疫也其

症頭面腫大咽喉不利口乾舌燥憎寒壯熱時

氣流傳宜服

防風 荆芥 羌活 獨活 前胡

升麻 乾葛 赤芍 桔梗 川芎

白芷 薄荷 牛旁子炒 生甘草 連翹

黃芩各一錢 葱薑煎服

治瘟方 用黑砂糖以罐封固黃蠟塞口用皮紙

棕繩紮緊臘月間浸糞窖內二月內取出每遇

天行瘟疫熱狂絞汁飲之甚良

辟邪丸 治一切瘟疫盛行服此藥不傳染

雄黃 丹參 羽箭 赤小豆各二兩

共研末煉蜜為丸如梧桐子大空心服五丸每日飲赤小豆菜豆湯亦良

辟瘟丹 此藥燒之能令瘟疫不染空房內燒之可辟穢惡

乳香 南蒼朮 北細辛

生甘草 川芎 降真香 各一兩

一方加白檀香 一兩

共研末棗肉為丸如芡實大

普濟消毒散 治時毒頭面腫大咽喉腫痛結核

等症

黃芩 酒炒 五錢 黃連 酒炒 五錢 柴胡 五分 桔梗 三分

人參 三錢 陳皮 生甘草 元參 各二錢

連翹 板藍根 牛蒡子 馬勃 各一錢

白殭蠶 升麻 各七分

水煎服如便閉加大黃

青黛湯 治兩腮腫硬發頤之症

青黛 五分 生甘草 二錢 金銀花 五錢 瓜蒌 半個

酒一鍾水煎服

瘟疫瘴氣

預防瘟疫方 用大管仲一枚浸在水缸內加白

礬少許日逐飲之不染瘟疫

治大頭瘟項腫蝦蟆瘟病

僵蠶 一兩 薑黃 二錢 蟬退 六錢 大黃 四兩

共研細末薑汁打糊為丸桐子大每服一錢蜜水調下

治大頭瘟頸臉皆腫者 用福建靛花三錢燒酒

一鍾雞蛋清一個攪勻吃下神方也

犀角清毒飲 治一切瘟疫發熱舌上生胎腮項

腫痛實熱之症

牛蒡子 炒 荆芥 生草 各一錢 防風 六分

黃芩 犀角 鎊各一錢

燈心二十根水煎服

發汗散 治一切瘟疫傷寒身熱口渴頭疼身痛

等症途中不可少者

雄黃 四分 辰砂 二錢 火硝 四分 麝香 一分

金箔 五張

同研極細末磁瓶收貯男左女右點大眼角內

蓋被登時出汗而愈

治瘟毒大熱之症 以竹筒兩頭留節中作一孔

入生甘草末子於內仍以竹木釘塞緊放在大

糞坑內浸一月取出晒乾每用一二錢溫水調

下

治大熱大煩晝夜不退神思昏迷口乾舌燥一切

熱症

人中白 元明粉 辰砂 水飛

滾水調下

治瘴氣湯 海內縉紳遊宦四方水土不服常用

此方若任兩廣尤宜多服

陳皮一錢 白朮一錢 白茯苓一錢

黃芩一錢 山梔仁一錢 製半夏一錢

神曲一錢 山查肉一錢 黃連一錢

前胡七分 生甘草四分 蒼朮七分

生薑煎服不拘時一日一服兩口一服可免瘴

病更宜戒酒色慎起居

治瘴氣方

人參

柴胡

黃芩

製半夏

大黃

枳壳

炒各等分

生甘草

三分

生薑引水煎服

廣濟丸

治內傷外感一切風寒瘟疫霍亂吐瀉

瘧疾腹痛等症

蒼朮

炒三兩

白朮

炒三兩

陳皮

三兩

厚朴

薑炒三兩

甘草

一兩半

白茯苓

一兩半

丹參

一兩半

研末煉蜜為丸每丸重二錢薑湯服

一服救苦丹

此藥為治時行瘟疫惡心嘔吐吞

酸身體痠痛發熱口渴不論傳經過經服此甚

效

熟大黃

四兩

猪牙皂莢

二兩去弦皮

共為細末稀糊為丸桐子大每服百丸冷漿豆

湯下火汗為效

除瘟救苦丹

此藥治瘟疫口渴咽腫發熱無

汗身痛頭疼清解瘟疫之要藥也

天麻

一兩一錢

麻黃

去節

乾薑

大

真桑豆粉

芽茶

各一兩二錢

硃砂

水飛

生甘草

明雄黃

水飛各八錢

生川大黃

二兩

共為細末煉蜜為丸彈子大重二錢每服一九用京水化開送下出汗即愈重者連服二九

普救五瘟丹

冰片

六分

牛黃

一錢

麻黃

二錢零四厘

琥珀

一錢零五厘

粉甘草

三錢五分

右為極細末共一處磁器收貯勿令洩氣

此丹專點傷寒四時瘟病一切感冒用清水骨簪蘸藥不論男女點兩眼角此丹靈應如神炷香之時

出即愈

行軍散

麻黃

五兩

乾薑

二兩

白芷

五兩

甘草

五兩

細辛

五兩

右為細末臨時取用盛磁器內收貯不可洩氣此藥專治瘟氣纏身久不出汗者二錢煎菉豆湯調下即刻出汗經驗神效

集... 卷二... 十一... 十六

馬蹄... 山... 劍... 效

五藥... 合... 不出... 二... 菜... 豆

可... 味... 末... 却... 却... 用... 盞... 器... 內... 外... 却... 不... 可... 其... 處

味辛 五兩

赤黃 五兩

汁軍... 五兩

出... 五兩

甘草 二兩

白芷 五兩

甘草 五兩

補益門

人之疾病有氣虛血虛之分不可一例而論當補

陽而滋陰必有傷脾之患當滋陰而補陽必有

枯燥之虞然陽虛者百中一二陰虛者十中八

九人自中年以後宜常服六味地黃湯以滋陰

養血若有勞倦氣虛內傷之病宜服補中益氣

湯數劑加麥冬白芍酒炒以補元氣仍宜常服

六味地黃湯滋陰之藥

治五癆七傷咳嗽吐血等症

白蒺藜二觔炒過春去刺為細末

甘枸杞一觔慢火炒不可焦

南黑芝蔴二觔炒極熟研成芝蔴鹽樣

牛骨髓二觔化開去渣

生白蜜二觔化開去渣

右將三味藥末拌入髓蜜內和勻盛磁盆內放

在水鍋中鍋上蓋蒸籠下用微火蒸熟為度丸

如指頭大隨意食之白滾湯送下

五子益腎養心丸 六補元氣培填虛損之要藥

也

六味地黃丸一料加 甘枸杞子 四兩

覆盆子 去蒂 二兩 沙苑蒺藜子 微炒 二兩

新柏子仁 去油 二兩 楮實子 炒 二兩

煉蜜入鹿角膠四兩化勻同和為丸桐子大每

服百丸淡鹽湯下

烏鬚種子丸 此藥專治男子精虛無子腎水不

足鬚髮漸白

黑豆 五倉升砂鍋內 故紙 一兩鹽 黃酒煮熟晒乾 水炒

兔絲

酒煮吐絲一觔

枸杞

一觔酒洗

川椒

八兩去閉口并椒目先掃淨土地一塊炭火燒紅水潑濕將川椒放在地上用布襯之以磁盆蓋之一宿取用

一方加魚鰾一觔

蛤粉炒成珠極焦不可生

共為末酒糊為丸桐子大每服三錢

補天大造丸

治諸虛百損五癆七傷第一神丹

紫河車一具

用頭生男胎用米泔水洗淨再入長流水洗以砂鍋內碗盛蒸爛石

白內杵爛入藥

虎脛骨

二兩鹿茸二兩

大龜板

二兩炙

山藥

四兩炒

丹皮

三兩酒浸

澤瀉

三兩

白茯苓

三兩乳蒸

山萸

四兩酒蒸

天冬

三兩去心

麥冬

三兩去心

五味子

三兩焙

枸杞子

四兩酒蒸

當歸

四兩酒浸

兔絲子

三兩酒煮

生地

八兩酒浸蒸一日杵爛入藥

故紙

二兩酒炒

牛膝

三兩酒洗

杜仲

三兩酒炒

肉蓯蓉

三兩酒洗去鱗甲

再加煉蜜丸桐子大每服百九空心溫酒下鹽

湯亦可

返本丸 補諸虛百損

黃牛肉不拘多少去筋膜切片以水洗淨令血

水去淨仍浸一宿次日再洗一二遍水清為度
用無灰好酒入磁瓦器內鹽泥封固桑柴文武
火煮一晝夜取出如黃沙樣為佳焦黑無用焙
乾為末每用末八兩後藥一觔

山藥

葱鹽炒
四兩

白茯苓

四兩

小茴

炒四兩

蓮肉

葱鹽炒去
心四兩

右為細末和勻用好紅棗不拘多少蒸去皮核
為膏加好酒入前藥和劑為丸桐子大空心溫
酒送下五十九每日進三服久服之後止進一
服

滋陰補精種玉方 此藥固精補腎種子

韭子

炒六兩

川斷續

六兩

鬼絲子

酒煮八兩

盆子

八兩

枸杞子

酒蒸八兩

芡實子

去壳八兩

蓮肉

去心八兩

山藥

炒八兩

白茯苓

八兩

蓮花蕊

四兩

沙苑蒺藜

炒八兩

金英子一觔去核煎膏為丸桐子大每服三錢

菊英丸 此藥延年益壽明目輕身返老還童其

功不可盡述

種黃菊一園以多為佳以肥澤為美春採苗夏採葉秋採花冬採根四時採足晒乾搗為細末如菊花難碾以米齏漿漿過晒乾再碾煉蜜丸菜豆大每服三錢空心白湯下

保真丸 此藥治九魄虛損之疾

鹿膠八兩炒成珠 杜仲三兩薑炒去絲 山藥三兩炒

白茯苓二兩 兔絲餅一兩五錢酒煮 熟地二兩

山萸肉一兩五錢酒蒸 五味子一兩焙 鹿茄茸一具炙

川牛膝一兩 益智仁一兩焙 遠志肉一兩甘草水浸去骨

小茴一兩鹽水炒 川練子一兩去心炒 巴戟肉一兩酒洗

故紙一兩鹽水炒 葫蘆巴一兩羊腸內煮 栢子仁一兩去油

川山甲三錢炒 沉香三錢 人參二兩

右為細末用肉苾蓉四兩洗去鱗甲白膜好酒

二兩煮成膏同煉蜜為丸桐子大每服三錢溫

酒下

七情丸 此藥專治男婦五勞七傷

真秋石八兩 白茯苓四兩 蓮肉四兩

兔絲子四兩酒煮 山藥四兩炒 小茴四兩炒

川椒

去目并閉口者
炒去汗四兩

右為細末酒糊為丸桐子大每服五六十九酒
下

八聖丹 種子兼治百病

沙蒺藜

八兩

川斷續

酒洗
四兩

覆盆子

酒洗
四兩

枸杞

四兩

山萸

酒洗
二兩

兔絲子

酒煮
一兩

茨實

四兩

蓮鬚

四兩

共為末酒糊為丸桐子大每服三錢

少陽丹

此藥平和最有補益

枸杞子

一觔

蒼朮

一觔米泔水
泡去皮炒

桑椹子

二十觔
濾汁并枸杞
蒼朮末常拌常晒

共研細末調勻用煉蜜丸桐子大初服三十九

加至五十九

女貞丹

女貞實係紅子者不拘多少粗布袋揷去皮晒
乾為度候有旱蓮草出時多取數石洗淨搗汁
拌勻初伏時晒一次極乾二三次亦照此法製
之為末再用旱蓮草汁為丸桐子大每服一百

九腎力倍增變白為黑強陰不走

滋陰大補丸 此藥端治腎虛齒長而動腎水不

足之症

枸杞子 三兩

肉苁蓉

二兩酒洗去鱗甲

熟地

四兩

巴戟肉

酒浸七錢

小茴香

鹽炒七錢

遠志肉

去骨甘草水泡七錢

山藥

炒二兩

牛膝

酒浸一兩

杜仲

薑炒二兩

白茯苓

二兩

五味子

五錢

石菖蒲

八錢

山萸

去核焙二兩

共為細末以紅棗肉四兩蒸爛去核搗膏和煉

蜜為丸桐子大每服二三錢

全羊丸 此藥端能壯筋骨補氣血治一切虛損

勞疾之症

養帶胎母羊一隻每日常食黑豆八兩拌小茴

羊藿兔絲喂養足月產羔一對檢一雌羔聽用

養小羊足月以好酒飲之滿腹取血聽用滾水

退去毛五臟洗淨將故紙肉苁蓉青鹽小茴各

四兩裝入腔內用線縫固荷葉包裹蒸三炷香

取出炙乾聽用

白茯苓 八兩 川羊乳 浸蒸晒乾

枸杞子 六兩 小羊血 拌蒸焙乾

牛膝 四兩 酒 浸蒸

大地黃 八兩 砂仁 酒 蒸五炷香

山萸 去核 酒 浸四兩

沙蒺藜 四兩 酒 浸

山藥 炒四兩

歸身 四兩 酒 洗

杜仲 四兩 去粗皮 薑 汁鹽水炒去絲

巴戟 四兩 酒 浸

虎脛骨 酥一對

故紙 四兩 羊乳 拌蒸二 欠黑芝麻油炒

小茴 四兩 小羊 血拌炒

肉蓯蓉 四兩 酒 洗 去鱗甲

青鹽 四兩 淨小 羊血拌炒

共為細末入前全羊四味再研極細末蜜九桐

子大每服二三錢滾水下

魚鰾丸 此藥端治腎水不足陰虛血虛之症

魚鰾 一筋 麩炒焦 磨去 粗末再炒焦再磨

沙蒺藜 四兩

當歸 四兩 酒 洗

遵鬚 四兩

兔絲子 酒 煮 四兩

蜜九桐子大每服二三錢宜冷和藥不可大熱

恐粘硬難丸

綿花子丸 烏鬚煖腎種子陽虛人宜此藥

綿花子十數筋用滾水泡過盛入蒲包悶一炷

香取出晒裂壳口取仁并去外皮用淨仁三觔
壓去油淨用火酒三觔泡一夜取起蒸三炷香
晒乾

故紙一觔鹽水泡
一夜炒乾

川杜仲一觔去外粗皮
黃酒泡一夜晒

乾薑汁
炒去絲

枸杞子一觔黃酒
浸蒸晒乾

兔絲子一觔酒
煮吐絲

共為末蜜九桐子大每服二三錢

固精種子羊腎丸

甘枸杞人乳浸一宿
晒乾二兩

白蓮蕊二兩

大地黃酒浸透搗
如泥四兩

芡實肉蒸乾
四兩

何首烏黑豆汁浸蒸九
次晒乾四兩

羊腎十對淡鹽醃一宿將前藥共為細末將羊
腎用酒三四碗煮爛為度搗如泥並地黃酒和
前藥末搗勻為丸黃豆大若難丸少加煉蜜每
日淡鹽湯下三錢

治男女癆症 用屠羊家剝出小胎羊羔砂鍋內
焙乾為末用酒調服

坎離丸 烏鬚黑髮壯健筋骨大有補益

黑豆不拘多少用桑椹汁浸透蒸熟再浸共五遍磨末紅棗蒸熟去皮核搗如泥和黑豆末為丸或印成餅子隨便當果食大有利益

大增力丸 大肉菘蓉酒洗去鱗甲四兩土茯苓

四兩川牛膝當歸各一兩大鱧魚重二觔者炙

乾為末以黃精自然汁為丸服之氣力倍常

服烏麻丸方 用黑芝麻一斗洗淨水淘去沫拌

酒九蒸九晒以湯脫去皮炒香搗為末煉白蜜

和大棗煮熟去皮核存肉搗膏為丸彈子大每

服一丸服至百日能除一切瘋氣服至三年白

髮還黑行及奔馬

加味瓊玉膏 補血益氣壯腎水以滋化源老幼

虛損極效

生地 二觔 白朮 四兩

白茯苓 十五兩

人參 六兩河東者佳 天冬 八兩去心

麥冬 八兩去心

枸杞子 八兩

右藥先以地黃用黃酒洗淨用水四碗浸一晝夜搗取自然汁和蜜三分之一以參苓等藥先

為末拌八地黃汁內用磁瓶收貯以紙三十層
 並箬葉包口用桑柴火煮三晝夜取出再換蟬
 紙包封十數重沉井底一晝夜取出再如前者
 半日每日清晨食遠白湯點服

治形體黑瘦枯槁

用甜杏仁五升去皮尖雙仁者搗爛水絞汁研
 細再絞濾過用慢火於砂鍋內熬熟和煉過羊
 脂成膏每日早晨溫酒調服一匙

治虛弱枯瘦食而不化

潛白木酒洗九蒸 九晒一觔 兔絲子酒洗九蒸 晒乾一觔

共為末蜜九桐子大每服二三錢

秘傳秋石丹 治癆怯並火症極效

童便一大缸以新水一半攪勻候澄清過去清
 者留濁脚又入新水同攪候澄去清者再入搗
 碎雪梨二十個又入甘松半觔熬水一小桶同
 攪以白綿布一方濾去渣候澄去清者留濁脚
 晒乾為細末每服一小匙燒酒送下

治癆蟲 吃醃鰻魚細嚼其骨最能補益

治癆熱 用鮮青蒿去梗水三升童便五升煎取

一升半去渣慢火熬成膏空心臨臥以酒調四

五茶匙送下

補氣湯 凡遇一切勞倦之後服此一劑不生內

傷之症藥平易而功效大

黃芪 蜜炒 二錢 人參 一錢 當歸身 一錢 五分

白朮 土炒 一錢 陳皮 一錢 炙甘草 四分

薑一片紅棗二枚水煎服

補精膏 壯元陽益真氣助胃潤肺

牛脊骨髓 二兩 核桃肉 四兩 山藥 薑汁拌 蒸四兩

杏仁 四兩泡去 尖苦味 當歸 二兩 人參 三兩

紅棗肉 去皮核 四兩

右將核桃肉山藥杏仁棗肉四味搗為膏用蜜

一筋煉去白沫與牛髓人參細末山藥細末當

歸細末和勻入磁罐內隔湯煮一日空心用酒

調下一二匙或做成丸子重三錢服之亦可

服牛骨髓法 此法專補虛損

用牛骨髓一筋煉過紅蜂蜜一筋煉過和在一

處磁罐收貯另用炒熟小米麪每米麪三匙用
髓蜜三匙拌勻滾水冲服

養老膏 此膏老人服之潤燥清火滋陰健脾大有補益

建蓮肉 去心 研末 芡實肉 去壳 研末 糯米粉 蒸熟 研末

以上三味各等分比梨查藕減一半

甜梨 大山查 甜藕

以上三樣各等分各熬膏先將梨藕山查蒸熟用麻布濾去渣熬成膏調蓮肉三味細末為膏酌量加白砂糖拌勻晾乾收貯食之

養老丹 藥味平和甚有補益

熟地 八兩 巴戟 四兩 山萸 四兩

北五味 一兩 車前子 一兩 酒炒 薏仁 三兩 炒

芡實 四兩 山藥 四兩 炒 牛膝 三兩 酒炒

蜜丸桐子大

麝香治癆方

元參一觔甘松六兩為末煉蜜一觔和勻入瓶中封閉在地下埋窖十日取出更用灰末六兩

同入瓶再窖五日取出燒之常令聞香疾自愈亦可薰衣

九轉丹 調和五臟六腑消除百病

熟地 酒浸一宿五錢一分 生地 乳浸一宿晒乾

天冬 酒浸半日晒乾 當歸 酒浸一宿晒乾

枸杞 洗淨為末 牛膝 酒浸晒乾為末

肉蓯蓉 酒洗扶炒為末 杜仲 扶炒去絲童便浸

破故紙 酒浸至五分焙 瑣陽 火酒浸七次為末

青鹽 洗炒乾為末 甘草 童便浸一宿晒乾

共和一處水滴為丸每服三錢

滋陰百補丸 治一切陰虛腎水不足之症

魚鱉 一觔蛤粉炒成 兔絲子 酒煮透

沙蒺藜 洗淨 枸杞子 酒拌 肉蓯蓉 酒洗去

女貞實 酒浸 覆盆子 酒浸去 鎖陽 酒浸

知母 酒浸 麥冬 去心 遠志肉 甘草水

當歸身 酒洗 牛膝 酒浸 栢子仁 去油

棗仁 去壳 巴戟 酒浸去 蓮鬚

芡實 去壳 丹皮 酒浸 山萸肉 酒浸蒸

白茯苓 以上各四兩

右為細末酒糊為丸桐子大每日空心白湯服三錢

長春方 治腎虛精冷之症

魚鱠 一筋蛤粉炒成珠極焦

棉花子 取淨仁一筋去油淨酒蒸

白蓮鬚 八兩

金櫻子 去子毛淨一筋 金釵石斛 八兩

沙蒺藜 四兩

枸杞子 六兩 兔絲子 四兩

五味子 四兩炒

鹿角五筋 麋茸片河水煮三晝夜去角取汁熬膏和藥末為丸桐子大每服三錢

治癆瘵 用桑葉搗汁和壺便熬煎露至五更時

服之衣被蓋煖一睡而起頻服取效此神方也

治虛癆發熱 用軟柴胡人參等分每服二錢薑

一片棗二枚水煎服

延年却病方 真兔絲子洗淨用好酒入砂鍋內

愈煮愈佳吐絲為度放竹器內晒乾磨粉再用

炒米粉拌和加白砂糖調和滾湯服大有補益

或用真懷山藥打糊為丸桐子大亦可

六味丸 益老扶弱助脾活血進飲食最是平和之劑

熟地 十兩 故紙 十兩鹽炒 兔絲子 十兩酒煮

白茯苓 十兩 山藥 十兩炒 核桃肉 五十兩

共為末酒煮蒸餅為丸桐子大每空心服四五
十丸

桑椹丸 烏鬚明目

乾桑椹 一觔九 何首烏 一觔去 沙蒺藜 八兩

當歸 六兩酒浸 牛膝 六兩 白果 二兩

黑豆汁 四兩入藥內 魚鱉 八兩炒成珠

以上為細末煉蜜丸桐子大每服三錢空心鹽湯下

悅澤面容

冬瓜仁七升以絹袋盛之投沸湯中須臾取出曝乾如此三度又以清酒浸二宿晒乾為末日服二三錢令人肥澤如玉延年不老年于葉白桃花敷而最好

治小兒稟賦腎經虛熱耳內生瘡肌肉消瘦骨節

皆露解頤不合牙齒不生腿軟難行用六味地黃丸加鹿茸牛膝各一兩五味子四兩

治心虛有熱用天王補心丹

治肺虛有熱用四君子湯

治脾虛有熱用歸脾丸

治肝虛有熱用驚田丸

治腎虛有熱用六味地黃丸

以上五方俱倍用合歡花樹皮酒洗炒加入最好

以前諸方皆補養之藥也至於人有五癆七傷凡虛損之症不可專指腎臟一家而言至病之甫成祇纔見端惟急建其中氣為主俾飲食增而津液旺以至氣充血生精而復其真陰之不足此根本之治也喻嘉言曰虛癆之病管血必傷管血傷而內熱起五心常熱日中生花耳內蟬鳴口舌乾燥不知正味乃至飲食不生肌肉怠倦嗜臥骨軟足酸管行日遲衛行日急管血被衛氣所迫不能內守而脫出於外或吐或衄

或出二陰之竅故當急建其中氣救其脾胃脾胃一壯而營衛調和諸症悉除矣世醫多不知此故特表而傳之

金匱桂枝龍骨牡蠣湯 治小腹脹急陰頭寒目

眩髮落脈極虛芤遲亡血遺精

桂枝 二錢 白芍 酒炒 一錢 生薑 三片 大棗 三枚

生甘草 一錢 煨龍骨 一錢 煨牡蠣 一錢

水煎服日三服嘔減甘草

小建中湯 治虛癆裡急驚悸吐血衄血腹中痛

症

桂枝 一錢 甘草 一錢 白芍 酒炒 三錢

大棗 三枚 生薑 三片 膠飴 三錢

水煎日三服嘔減甘草

黃芪建中湯 治吐血衄血虛羸不足飲食無味

脚步軟弱言語倦怠失精內熱諸虛損症

小建中湯內加蜜炒黃芪二錢

氣短胸滿去大棗加生薑

腹滿加白茯苓

肺虛損加製半夏

紅玉膏

此方添精補髓固氣養血和五臟利九竅久服
大益身心

葳蕤 三兩

人參 三兩

五味子 二兩

龜板膠 二兩

當歸 二兩

大生地 二兩

白茯苓 二兩

川牛膝 一兩

白蓮鬚 五錢

枸杞 二兩

明丹砂 一錢

用河水十碗煎至五碗去渣再熬至二碗加州
蜜慢火熬成膏磁瓶內收貯隨使用

種子復本丸

人參 三兩

山藥 二兩

川枸杞 二兩

五味 二兩

川椒 一兩

栝子仁 二兩

天門冬 二兩

夾門冬 二兩

生地 二兩

熟地 二兩

巴戟天 二兩

杜仲 二兩

山茱萸 二兩

茯苓 二兩

木香 二兩

石菖蒲 一兩

澤瀉 一兩

遠志肉 一兩

地骨皮 一兩 覆盆子 一兩 車前子 一兩

肉蓯蓉 四兩

共為細末酒糊為丸每服二錢空心鹽白湯服
長春廣嗣丹

此丹專治男子勞損羸瘦中年陽事不舉精神
短少未至五旬鬚髮早白步履艱難並婦人下
元虛冷久不孕育者皆能治之

天門冬 麥門冬 熟地黃 生地黃

山藥 牛膝 杜仲 山茱萸

白茯苓 人參 木香 栝子仁

五味子 巴戟 以上各 川椒 澤瀉

石菖蒲 遠志 以上各 羌活 肉蓯蓉

各四 車前子 覆盆子 地骨皮

各一兩 五錢

以上共為細末好黃酒打麵糊為丸或煉蜜為
丸亦可如梧桐子大初服五十九一月後加至
六十九百日後可服八十九便有功効空心或
鹽湯或好酒送下初服十日後小便雜色此是

腎間舊疾出也服至二十日後覺有氣痞此是
 五臟寒熱舊疾出也服至三十日鼻頂辛酸此
 是風症出也服至四十日言語雄壯或原有胸
 膈之病咳嗽吐痰內傷積滯此肺疾出也服至
 五六十日後唇紅體潤口生津液神氣精爽兩
 乳肥潤此是一切諸疾出也服至百日後自覺
 言語雄壯容顏光彩鬚髮變黑齒落重生雖八
 十老人陰陽強健目能遠視行不困乏精神百
 倍壽命延長返老還童種子之功百發百中

強精神悅顏色滋腎水烏鬚髮益壽延年方

枸杞 十兩 熟地 十兩 杜仲 十兩

核桃霜 十兩 破故紙 十兩 肉蓯蓉 十兩

何首烏 十兩 當歸 十兩

以上共為細末煉蜜為丸如桐子大空心每服
 二錢或酒或鹽湯下不可間斷

固本種子丸

巴戟天 二兩 遠志肉 二兩 石斛 四兩

杜仲 四兩 川牛膝 二兩 五加皮 三兩

青鹽 二兩

生地 三兩

當歸 二兩

大茴香 一兩

山茱萸 二兩
去核

沙苑蒺藜 四兩

益智子 二兩

羚羊角 四兩

鎖陽 十二兩

魚鱉 八兩

枸杞 十兩

人參 十兩

破故紙 六兩

覆盆子 二兩

巨勝子 四兩

桑螵蛸

阿膠 筋半

龜板膠 筋半

肉苁蓉 半觔

何首 三觔

白茯苓 八兩

鴿蛋 二百

淫羊藿

黑驢腎 一具

黃狗腎 十具

灸驚頭一個

煉蜜為丸如梧桐子大每服三錢黃酒送下寅

午戌三時服三次或早晚二次不宜多服忌房

事一月然後見效忌諸樣血不可食

益元養始丸

人參 四兩

鹿角膠 三兩

兔絲子 三兩

肉苁蓉 四兩

遠志肉 四兩

五味子 一兩

桂心 一兩

牛膝 三兩

杜仲 四兩

川巴戟 三兩

川附子 二兩

魚膠 三兩

白茯苓 八兩

淮山藥 四兩

鹿茸全副

補骨脂 三兩 白茯苓 三兩 青鹽 一兩

熟地黃 四兩 女貞實 三兩 山茱萸 四兩

枸杞子 二兩 栝子仁 一兩 牡丹皮 八兩

巨勝子 二兩

共搗為細末煉蜜為丸如梧桐子大每清晨空
心服三錢淡鹽湯送下

長生丹

地黃 八兩 山藥 四兩 白茯苓

何首烏 半觔 女貞子 六兩 甜石斛 半觔

枸杞 六兩 鹿角霜 半觔 山茱萸

兔絲餅 半觔 肉蓯蓉 二兩 鹿角膠 半觔

川牛膝 半觔 宣木瓜 虎脛骨 四兩

人參 一觔 丹皮 八兩 杜仲 一兩

胡麻 一觔 桑椹子 一觔

俱為末蜜拌為丸空心服三錢白滾水送下
益元延年益壽七寶丹 牛膝 八兩酒浸一日同何首烏
第七次蒸至第九次晒乾

何首烏 赤白各 茯苓 赤白各 破故紙 四兩

鬼絲子 半觔 當歸身 半觔 枸杞子 半觔

共為細末煉蜜為丸如彈子大日進三九早晨
空心酒下午後薑湯下臨臥鹽湯下久服行走
如飛氣力益倍延年益壽非人不可輕泄乃神
仙秘方

大培丹

何首烏 四觔 白蓮子 一觔 白朮 一觔

當歸 二觔 龍眼肉 二觔 黃芪 二觔

石斛 十兩 牛乳 五碗 人乳 五碗

覆盆子 四兩 枸杞子 四兩 補骨脂 六兩

五加皮 巴戟肉 肉蓯蓉

兔絲子 三兩 杜仲 二兩 山藥 半觔

地黃 一觔 人參 一觔 阿膠 一觔

肉桂 二兩 紫河車 六兩 臍帶 一條

胎髮 五兩 栢子仁 二兩 鹿茸 四兩

白蓮花 一朶 虎脛骨 四兩 白茯苓 五兩

共為細末煉蜜為丸如梧桐子大每服五錢滾
湯送下久服延年益壽返老還童得自異傳切
宜珍秘

延壽丹

人參上好者六兩用滴花燒酒二觔夜浸日晒以酒盡爲度或整枝人參亦可晒乾研爲細末煉蜜爲丸如桐子大飛淨硃砂爲衣每服一錢如益元氣暖丹田空心淡鹽湯或秋石湯送下一服若專補腎每日早午晚各進一服酒送下其功不可盡述年過三十以外服之固本延年大有功驗秘之寶之

彭祖秘服接命丹

此藥最能添精補髓保真固精不泄善助元陽滋潤皮膚壯筋骨理腰膝下元虛冷五勞七傷半身不遂或下部虛冷膀胱病症脚膝酸麻陽事不舉男子服之行走康健氣力倍添奔走如飛女人服之能除赤白帶下沙淋血崩兼下生瘡疝能通二十四道血脈堅固身體返老還童遇鼎氣不洩真精大臻靈驗此方若傳君子則有益于世人若傳匪人有損無益不可輕與行醫之人知如傳小人則損已壽慎之慎之

何首烏 十兩 白茯苓 十兩 赤茯苓 十兩

兔絲子 十兩 川牛膝 十兩 當歸 十兩

破故紙 十兩 覆盆子 十兩

右味共合一處不犯鐵器用石臼杵為細末煉蜜調黃酒為丸如梧桐子大每服二錢空心黃酒送下早午晚日進三服服七日每服三錢服此藥諸物不忌惟忌食血

資生大造丸

人參 二兩 山藥 二兩 山茱萸 二兩

補骨脂 二兩 五味子 一兩 川牛膝 二兩

覆盆子 一兩 楮實子 一兩 龜板 一兩

鹿角膠 二兩 生地 一兩 枸杞子 一兩

肉蓯蓉 二兩 兔絲子 一兩 紫河車 一具

白茯苓 四兩 川杜仲 二兩

右共為末煉蜜為丸桐子大每早四錢白開水或鹽湯下忌生薑胡椒生蘿蔔油麵炒料等物其藥能添精補髓益氣生血固元陽健脾胃壯筋骨安五臟驅風濕令人耳目聰明不受外邪

健步烏鬚累證奇功不能盡述

扶桑延年至寶丹

巨勝子 一觔

破故紙 八兩

栝子仁 一觔

枸杞子 一觔

山萸肉 一觔

蛇床子 一觔

何首烏 一觔

巴戟 四兩

川椒 半觔

冬青 八兩

桑葉 十觔

共為極細末同金櫻子膏十五觔白蜜二十觔同煉至滴水成珠和羣藥為丸如桐子大每日清晨淡鹽湯送下三錢晚上臨睡時再服三錢

久服有通神之妙如不能合此許多合一半亦可久服養心血健脾胃理氣和中寬胸益志添精補髓明目烏鬚壯陽固齒通五臟殺九蟲益元神却百病真有延年增壽種子之功

仙傳斑龍丸

鹿角膠

栝子仁

兔絲子

生地 各一觔

右為末先將鹿角膠磁器內慢火化開却將膠酒煮糊和藥杵二千下丸桐子大每服五十九

淡鹽湯送下酒亦可

霏雲神膏

內治五癆外治七傷一切濕癩風癰火流痰注
 損筋動骨惡毒怪瘡血痕食痞腹鼓胸填棒毒
 火燒湯滾蛇咬種種奇病皆可立效至于男子
 遺精女人白帶當臍貼之無一不效惟癰瘰宜
 貼腎俞穴腎俞穴在人身背面對臍處也瘡疾
 宜貼寒熱初起處痢疾即貼肚臍欬嗽多生于
 肺肺惟左背上下更宜貼治忌食牛犬水不再

發

熟地

生地

當歸

木鱉肉

白芷

赤芍

玄參

大黃

肉桂

鬱金

各二兩

牛膝

白薇

地骨皮

白芨

防風

風藤

芫花

青皮

蒼朮

羌活

烏藥

金銀花

槿皮

草麻仁

威靈仙

羌蚕

龍骨

虎骨

附子

用山甲

龜板

阿膠

血餘

各一兩
二錢

槐條 七兩

過水飛丹

八

蘇油

十五

補益

天

五十六

阿魏 二錢 潮腦 二錢 乳香 二錢 沒藥 二錢

血竭 三錢

右藥皆咀片用文武火熬藥見枯焦撈去其渣再投血餘加武火熬得血餘渣泛撈去然後用絹總濾一番加武火熬油用碗水不時滴看滴水成珠去火加丹用槐柳棒不住手攪拌鍋中試水成膏就熱頭上先投阿魏大約冬天油重夏天丹增庶合天時而老嫩無偏也

紫霞丹

此丹異人所授能治腹脇積聚七癥八瘕翻胃噎膈攀睛努肉女人下寒帶病但係金石之藥經火煨煉惟可治疾不宜輕服
黑鉛色黑北方水用一兩
雌黃色青東方木用三錢
雄黃色赤南方火用三錢
硫黃色黃中央土用五錢
白鉛即南鉛色白西方金用四兩
右用陽城礶一個鹽泥固濟晒乾將黑白二鉛

鋪底蓋面藥放中間以鐵蓋封固嚴密鐵線絆
緊架三釘上外用八卦爐文武火五炷香擦水
升盞研極細末聽用

白茯苓末九錢五分用之行氣

明沒藥炙去油研末九錢五分用之行血

右二味研細用頭生男乳拌藥爲丸如菉豆大
每服一錢酒送下此丹每次用生藥一半如前
封固升煉九次名曰九躡仙丹

保真丸

治一切男婦氣血兩虛五勞七傷遺精白濁
虛胃弱陽痿腰痛眼花頭眩吐衄骨蒸翻胃久
嗽盜汗調經等症

補骨脂一觔用酒少許拌炒磨細末將入參兩
三錢茯苓一兩土炒白朮一兩五錢炙甘草三
錢河水六碗煎濃汁二碗去渣和骨脂晒乾聽
用如長服不用人參以玉竹一兩蜜炒黃芪一
兩蜜炒代之

杜仲一觔用鹽水炒斷絲磨細末將川芎八錢

當歸一兩五錢酒炒白芍一兩熟地二兩水八

碗煎濃汁三碗去渣拌杜仲曬乾

玫瑰膏子一觔搗爛如泥乾花瓣只用半觔磨

末聽用

連臍皮核桃肉一觔鹽水炒搗如泥

煉蜜二觔為丸如梧桐子大每服一兩淡鹽湯

清晨送下如吐紅骨蒸童便下

保養延壽不老丹 治腸紅下血神效

扁栢枝葉 三觔 紫河車 三個

茯苓 解牛奴 拌三次

右藥為末煉蜜為丸如桐子大每服三錢白湯

送下

長春至寶方

黑驢腎 一個好酒煮熟切薄片 新瓦焙乾為末聽用

肉苁蓉 二兩酒洗焙乾 哺雞蛋 七個連壳用新瓦焙乾不可焦了

黃狗腎 五對酒煮切片焙乾 野薔薇子 三兩焙乾

枸杞子 八兩焙乾 人參 三兩為末

大鱉頭 一個上下用新瓦盛之 烈炭火炙不可焦了

雄蚕蛾 四兩 焙乾

鴿子蛋 一百個 酒 煮焙乾

鎖陽 二兩 焙乾

桑螵蛸 四兩 即 螳螂子

葱子 三兩 焙乾

韭子 四兩 焙乾

青鹽 二兩

破故紙 六兩

牛膝 二兩

茯苓 二兩

覆盆子 三兩

石斛 四兩 焙乾

當歸 二兩 焙乾

五加皮 三兩 焙乾

楮實子 三兩

魚膠 八兩 石脂焙

山茱萸 四兩 去核

生地 二兩 石脂炒

遠志肉 二兩 炒

大何首烏 蒸

杜仲 四兩 羊油炒

巨勝子 四兩 炒

沙苑蒺藜 四兩 炒

羚羊角 四兩 焙乾

巴戟肉 二兩 焙

淫羊藿 二兩 炒

益智仁 三兩 炒

鹿茸 四兩 切片 酥炙

以上三十六味為細末煉蜜合鹿角膠為丸如梧桐子大每日早中晚各三錢俱用酒服服至三月不可再服

三妙丹

巨勝子 揀肥大飽滿者以水淘淨 晒乾用黃土拌炒八兩

川牛膝 揀肥大者去蘆酒 浸一宿晒乾二兩

何首烏 赤白二種白者為雉赤者為雌凡用相 配均勻去粗皮米泔水浸一宿用竹刀 切碎用黑豆黃酒拌

熟地黃 揀肥大者先以小地黃一觔研末黃酒 和稀膏拌大地黃入瓦礮內用泥封口 糠火煨爛取出 洗淨晒乾八兩

大生地 好酒浸透 晒乾八兩

天冬 好酒浸一宿 晒乾八兩

五味子 遠產者佳揀淨 酒拌炒二兩

山藥 扁而堅者佳切 碎炒過二兩

兔絲子 先以水淘淨次以酒浸透 蒸熟搗成餅晒乾用二兩

栝子仁 取新鮮者酒 浸微炒二兩

肉苳蓉 產陝西肥大者佳酒浸去鱗甲 劈開去筋膜切碎晒乾二兩

廣木香 切碎不見 火二兩

家莊子 揀淨酒拌 微炒二兩

補骨脂 其形扁圓其色碧綠曬 酒浸一宿隔紙炒二兩

覆盆子 去頂蒂酒 拌炒二兩

酸棗仁 赤色者佳去 壳炒一半生

補益

白茯苓

產雲南輕實堅白者佳去皮研末入水取沉去浮曬乾二兩

芡實

去壳炒過二兩

楮實子

水淘淨酒拌炒二兩

枸杞子

產甘州紅潤顆小者佳酒拌炒二兩

蓮子肉

去心微炒二兩

續斷

產四川如雞爪節斷皮有黃縐紋酒浸一宿切片曬乾二兩

人參

二兩

巴戟

產四川連珠粗大者酒浸透曬乾二兩

肉桂

厚而極辣者去粗皮切碎二兩

蓮蕊

取新鮮黃色者去蒂曬乾二兩

鹿茸

此一味接人年紀加減四旬上者不用五旬上者用一半六旬以上全用棟紅

潤血頂者佳燎去毛嚼油炙黃碾色切碎二兩

魚膠

切碎蛤粉炒成珠一筋

共為細末忌鐵器春夏煉蜜秋冬棗肉俱加核桃肉十個搗爛為丸如桐子大每服五六十丸漸至八九十九白滾水下

天河不老丹

客問如何日髮只因走洩元陽誰知仙道有奇

方效驗應如影響四兩茯苓乳製 頭生男乳

為良 夜來還露不須忙 乳了又將添上

只待乳多藥少 稱來八兩相當 石脂二兩

赤為良 四兩川椒共炒 存脂去椒不用

還將各藥推詳 硃砂葵製謹提防 揀下三

錢明亮 槐用黑牛胆製 煮乾焙過焦黃

菴蓉故紙藥如常 巴戟龍骨共放 每件三

錢稱准 炒乾其實馨香 胎髮用他十個

血竭三錢相旁 先把髮來鎔化 後將竭入

中央 火用文武莫相傷 務要調勻清爽

以上共為細末 再將鹿角熬霜 四兩和丸

桐子大 初服九方酒下 後添五粒何妨

丹田春意暖洋洋 七日之間強壯 此藥久

服不斷 管教脫換臭皮囊 有緣得遇妙仙

方 素年從此與天長 土德之人方授 匪

人切莫亂揚 父子不相傳與妄漏自己反無

緣莫道仙方禁戒嚴

三十代天師於四川青城山中獲遇天狐而授

從不亂傳非龍虎山根深弟子亦不能遇此丹藥藥若妄洩非人不但自己服丹不成必有譴責雖父子只宜送藥切不可傳方也

益壽黑豆方

旱蓮草 五錢

黑桑椹 四錢

白何首烏 三錢

故紙 六錢

骨碎補 六錢

金櫻子 四錢

赤何首烏 三錢

杜仲 四錢

明青鹽 二兩

生地 六錢

白茯苓 六錢

栢子仁 四錢

蛇床子 三錢

肉苁蓉 四錢

兔絲餅 六錢

甘枸杞 五錢

川續斷 一錢

川牛膝 一錢

槐角子 二兩

遠志肉 六錢

川石斛 四錢

腰子雄黑豆二十碗用水三十碗將前藥煮至二十碗盛于淨器入黑豆在內浸過一宿俟豆吃乾藥水取起風乾用柳木甑子蒸透取起風乾再將藥渣用水二十碗煎至十五碗取起藥渣仍入豆再浸一宿俟豆又吃乾藥水取起再入甑蒸透要不見火不見日風乾以新磁罐盛貯每日清晨空心服四錢至五錢用白滾水送

補益

長

人... 豆... 藥... 水... 煎... 至... 十... 煎... 藥...
 益... 藥... 水... 煎... 至... 十... 煎... 藥...
 益... 藥... 水... 煎... 至... 十... 煎... 藥...
 益... 藥... 水... 煎... 至... 十... 煎... 藥...
 益... 藥... 水... 煎... 至... 十... 煎... 藥...
 益... 藥... 水... 煎... 至... 十... 煎... 藥...
 益... 藥... 水... 煎... 至... 十... 煎... 藥...
 益... 藥... 水... 煎... 至... 十... 煎... 藥...
 益... 藥... 水... 煎... 至... 十... 煎... 藥...
 益... 藥... 水... 煎... 至... 十... 煎... 藥...

陽痿門

延齡丹 一名烏龍丸此方係八十二歲林老翁

傳

烏龍 醋即黑犬骨也自腦骨至尾一條全川好
 醋浸一宿煮醋乾再用酥炙為末聽用

鹿茸 酥炙 八錢
 巴戟 酒浸 一兩
 沉香 一兩

石蓮子 夫壳心 遠志肉 炒五錢
 大茴香 五錢

石燕子 雌雄各三對燒紅
 故紙 炒五錢
 投薑汁內七次

以上為末聽用

何首烏 黑豆蒸九 熟地 酒洗 床子 炒二兩
 次四兩

集驗良方

陽痿

六十五

灰實肉 二兩 歸身 一兩 酒洗 川芎 一兩

白芍 一兩 酒炒 生地 一兩 酒洗 天冬

麥冬 馬蘭花 冬青子 各一兩

楮實子 一兩 酒洗 母丁香 二十個 枸杞子 四兩

金櫻子 一兩 剝去核

以上各味用水一斗煎至一升去渣取起涼冷

聽用和入藥內又用黃雀四十九個好酒煮爛

搗勻同藥末烏龍骨為丸桐子大每服三錢

鶴齡丹 此藥治命門火衰精寒腎冷久無子嗣五癆七傷之聖藥沉寒痼冷之良方也陰虛

人不宜用

鹿茸 入土內一宿曬乾為末一兩 茹茸用砂鍋內煮一炷香埋

熟地 六錢 酒浸一日 尾上焙為末

穿山甲 一兩 要大者酒浸 軟炙黃色為末

生地 五錢 人乳浸二日 口尾上焙為末

石燕子 一對 山洞中吃石鐘乳 狀似蝙蝠者多為末

細辛 一錢 去土葉蜜 水浸一日曬乾

肉蓯蓉 九錢 酒浸一日洗去 鱗白膜炒為末

天冬 四錢 去心酒 浸半日 曬乾

地骨皮 四錢 去骨蜜水 浸一日 曬乾

枸杞子 三錢 蜜酒泡 一日 焙乾 為末

杜仲 二錢 五分 去外粗皮 用 麩炒 童便 浸一日 曬乾

砂仁 四錢 去壳炒

公丁香 二錢 五分 花椒 炒 一炷 香 去椒

當歸 五錢 大者 酒 泡 一日 曬乾

大附子 三錢 重一兩 二三錢者 蜜 水 泡 一日 煮 三炷 香 焙 乾

粉甘草 去外粗皮 蜜 炙 黃 色 六 分

辰砂 二錢 包蒸 熟 去 麩 研 末

羊藿 一錢 去毛 邊 用 乳 汁 炒 乾

紅蜻蜒 十對 五月上 半 月 取 雌 雄 各 半

故紙 四錢 酒 浸 一 日 瓦 上 焙

大海馬 一對 要大者 用 酥 炙 黃 為 度

川牛膝 四錢 酒 浸 一 日 焙 乾

甘菊花 一錢 五分 家 園 黃 者 童 便 浸 一 日 曬 乾

鎖陽 九錢 火 酒 浸 七 次 焙 乾

白鳳仙子 二錢 五分 木 瓦 上 焙

青鹽 四錢水 泡去泥

紫稍花 四錢水 洗去土酒 一日元上焙

人參 一兩

麻雀腦 三錢要雄者 每十將加硫黃一分 拌晒紙上十月內取者為佳

凡炮製須用甲子庚申吉日勿令孝服女人雞

犬見之將前藥末用甘草水和一處捏作一塊

八金銀盒內盒蓋離藥一寸透氣鹽泥封口外

用紙筋和鹽泥嚴加封固包成圓球日中晒乾

用鐵鼎罐一個將球懸掛中間用鐵絲向內十

字拴定懸於罐中將出山鉛八十一觔饒化傾

入鼎內上下包定無一點縫方入灰缸內用桑

柴灰築實火行三方每方離鼎寸許各放炭基

二個每個重二兩餘用卯酉二時換火傍放水

碗一隻貯水向鼎內滴水試之如有聲而水隨

乾則火迫將火畧遠些如無聲而水不乾則火

緩將火畧近一指許只要滴水無聲又有熱氣

水隨乾為主溫養三十五日滿足將鉛取出冷

定鑿開開盒驗之其藥深紫色為佳入小確內

收貯黃蠟封口每一服用五厘放手心內用舌
舐之黃酒送下清早服以乾物少許壓之

太乙種子方 此藥專治陽痿不起精少無子者
服之保養一月自效

魚鱉炒成珠 真桑螵蛸炒黃 韭子炒

蓮鬚二兩 熟地二兩 杜仲二兩

牛膝酒浸 枸杞子二兩 沙蒺藜二兩

兔絲子酒煮 天冬二兩 龜板二兩

鹿茸二兩 故紙二兩 肉苁蓉二兩

白茯神二兩 遠志肉水泡 當歸酒洗

人參二兩 青鹽五錢

蜜丸桐子大空心服二三錢如覺胸膈痞塞服
枳朮湯以疎之

治脾腎兩虛精髓不固

兔絲子酒煮 北五味 沙蒺藜 覆盆子

蓮鬚 山萸肉 巴戟 甘枸杞子各二兩

共為末蜜丸每服三錢

治陽痿方

猪子腸新瓦上焙乾為末每服一錢燒酒一鍾調服一次能管一月

長春至寶丹 凡人四十以後急須接助每日服之至老無痿弱之症此藥能健脾開胃進食止

瀉強筋壯骨填精補髓烏鬚黑髮明目聰耳活

血養筋助陽種子

鹿角膠

四兩牡蠣粉炒成珠

鹿茄茸

四兩

蚕蛾

四兩炒

哺退雞蛋

七個炙黃

人參

五兩

熟地

八兩

枸杞子

四兩

當歸

四兩

故紙

四兩

牛膝

四兩酒洗

杜仲

四兩

巨勝子

炒

楮實子

四兩

巴戟

四兩酒浸

肉蓯蓉

四兩酒洗去鱗甲

鎖陽

四兩酥炙

韭子

四兩炒

葱子

四兩炒

金櫻子

四兩去毛子

鴿子蛋

一百個煮熟入藥

何首烏

一觔九次黑豆蒸去筋

先將衆藥磨成粗末將鴿蛋搗爛入藥拌勻晒乾為末蜜和石臼中杵千餘下丸桐子大每服

三錢

治男子陽痿囊濕女人陰痒

用蛇床子煎湯洗之愈

治囊濕搔痒方

蘆甘石蛤粉各等分爲末撲之

又方白梁米粉三錢石菖蒲三錢爲末撲之

比天煖臍膏 此藥能固精不洩善助真元壯

筋骨理腰痛治脾氣不實五癆七傷

熟地 炙草 肉蓯蓉 天冬 熟附子

官桂 遠志 虎脛骨 續斷 床子

故紙 紫稍花 木別子仁 川練子 牛膝

兔絲子 杏仁 鹿茸 谷精草 肉蔻

山萸 杜仲各五錢 男子頭髮二兩

真麻油一觔四兩將前藥入油浸三日入銅鍋

文武火熬枯濾去渣熬至漆黑滴水不散每油

二兩加炒過黃丹一兩柳絲不住手攪

再下雄黃倭硫黃煨龍骨赤石脂各三錢

再下去油乳香沒藥母丁香各二錢候溫

再下乳浸蟾酥鴉片陽起石各二錢候涼

再下沉香木香麝香各二錢攪勻盛磁罐內放

水中出火氣每用紅緞攤貼

暖臍膏方

韭子 一兩

蛇床子 一兩

附子 一兩

川椒 二兩

肉桂 一兩

獨蒜 一觔

以上六味用真正香油二觔浸十日加丹熬膏

硫黃 六錢

母丁香 六錢

麝香 三錢

右三味爲細末蒜搗丸如豆大安臍內用紅緞

攤前膏貼之

養元湯 壯陽固精益腎補虛經夜不洩種子神

效

當歸 一錢

川芎 一錢

白芍 一錢

金櫻子 一錢五分

炙甘草 一錢

熟地 一錢

杜仲 一錢

羊藿 一錢

枸杞 一錢

杏仁 一錢五分

白茯苓 一錢五分

石斛 一錢四分

牛膝 一錢

水三鍾煎一鍾空心服渣晚服連服十劑方好

壯陽固精之藥也若陽痿加山萸一錢肉蓯蓉

一錢

人參養榮湯 治氣血俱虛發熱惡寒肢體瘦倦
食少作瀉等症勿論其病勿論其脈但用此湯
其病悉退

白芍 酒炒一錢五分 人參 一錢 陳皮 一錢

黃芪 蜜炒一錢 桂心 一錢 當歸 一錢

白朮 土炒一錢 炙甘草 一錢 熟地 八分

五味子 炒七分 遠志肉 五分 白茯苓 七分

薑棗水煎服

烏龍丸

此乃海外奇方服之百日體健身輕耳聰目明
烏鬚黑髮齒落更生陽事強壯丹田如火蠲除
百病乃生子之聖藥也

烏龍骨一副

即黑犬骨也自頭至尾脊骨一條洗淨用黃酒
浸一宿再用礪砂五錢研末同奶酥油搗骨上
火炙黃色為度秤骨二十四兩足犬須週年者
為佳如犬走去陽者不用若一犬不足用三犬
骨足分為佳

胡桃肉

五錢 皮炒黃

巴戟

酒浸去骨一兩

石蓮子

去壳一兩

遠志肉

甘草水浸去骨一兩

肥石斛

二兩

桑寄生

炒二兩

肉蓯蓉

酒炒去鱗甲三兩

棗仁

去壳炒黑一兩

大茴香

酒炒一兩

石菖蒲

一兩

故紙

酒炒一兩

楮實

去壳炒

硃砂

水飛五錢

磁石

火煨醋淬七次二兩

蓮鬚

一兩

海浮石

火煨醋淬七次二兩

鹿茸

酥炙一對

葫蘆巴

一兩

石燕子

三對去毛腸嘴爪酒蒸熟薑汁醋炒

共研細末黃酒打糊為丸桐子大每空心酒服

二三錢

干口一盃酒方

人參 五錢

熟地黃 五錢

枸杞 五錢

淫羊藿 三錢

遠志 三錢

母丁香 三錢

沉香 一錢

沙苑蒺藜 三錢

荔枝肉 七個

以上用好無灰酒二觔浸三日封固不可洩氣重湯煮三炷香取起埋土內一宿出火氣每用一酒盃徐徐而飲每飲一口舌上畧覺有酒味便住再飲再住口數愈多愈好一盃酒得干口飲盡故以此名不如法飲則不效矣

此方藥性平和功效極大能生精養血益氣寧神烏鬚明目廣嗣延年能令痿陽立興通腎不倦真長生之妙藥種子之奇方屢試屢驗妙不可言慎之

千金封臍膏

天門冬	生地黃	熟地黃	木鱉子
大附子	杏仁	蛇床子	遠志
牛膝	肉蓯蓉	官桂	兔絲子
岡苳魁	虎骨	紫稍花	麥門冬

鹿茸 各一錢

右為末入油一觔文武火熬黑色去渣澄清入黃丹半觔水飛過松香四兩熬用槐柳條攪滴水不散為度再下

硫黃 雄黃 硃砂 赤石脂 龍骨

各三錢為末入內除此不用見火將藥微冷定再下

臙脯臍	阿芙蓉	陽起石	沉香
木香	麝香	一錢	不見火

右為細末入內待藥冷下黃蠟六錢放磁器內盛之封口放水巾浸三日去火毒取出攤緞子上或紅絹上亦可貼之六十日方無力再換

毓真膏

專貼臍上能固精保元煖腎補腰膝去寒濕一切腹痛痞疾夢遺五淋滑淋白濁婦人赤白帶下經水不調久貼能煖子宮自得生育又治色慾過度陽事不舉將來下部虛弱久貼此膏能生陽氣命門得煖則精生水毓其陽回春煖脾胃由此而開精神從此而爽又非世俗方可比也

當歸 五錢

遠志 五錢

人參 五錢

白芷 三錢

紅花 三錢

五味子 三錢

附子 三錢

肉桂 五錢

蒼朮 三錢

鹿茸 一對

甘草 三錢

黃芪 五錢

白芨 三錢

紫稍花 五錢

右用麻油二觔春浸五日夏三日秋七日冬十日慢火熬黑色濾去渣入黃丹一觔攪漚水成珠不粘手為度隨取起熱烟將盡即入

麝香 三錢

陽起石 三錢

乳香 三錢

丁香 三錢

鴉片 三錢

共為極細末緩緩加上不住手攪收磁器內蓋好掘地窖埋一月取起作膏如用時將銅匙或磁杯滾水頓化開膏方無火氣

洞府保養靈龜神方

甘草

天冬

麥冬

遠志去心

牛膝酒浸

生地酒洗

熟地

蛇床子酒洗

兔絲子酒蒸

肉蓯蓉

虎腿骨醋炙

鹿茸酒洗

續斷酒洗

紫稍花

木鱉肉

谷精草酒洗

杏仁去皮尖

官桂

大附子童便製

酥油炙

以上十九味各三錢或各一兩用油二觔四兩將藥入油熬枯濾去渣再熬至滴水成珠下

松香 四兩

黃丹 八兩

硫黃 三錢

雄黃 二錢

龍骨 三錢

蛤蚧 一對

赤石脂 三錢

乳香 三錢

沒藥 三錢

沉香 三錢

母丁香 三錢

木香 三錢

麝香 三錢

蟾酥 三錢

鴉片錢真陽起石錢

右藥為末諸藥下完不住手攪入磁罐下井中

浸三五日出火氣方可用每張用三錢攤貼兩
腎俞穴及丹田又臍外用汗巾縛住勿令走動
六十日一換

此膏能固玉池真精不泄靈龜不死通十二經
血脈固本全形如海水常盈百戰百勝強陽健
力返老還童烏鬚髮補精髓助元陽治五勞七
傷半身不遂下元虛損疝氣手足頑麻陽痿不
舉白濁下淋婦人帶下血崩皆能治之如常貼
諸疾不生延年益壽體健身輕如跌打損傷諸
瘡貼之亦効如交媾不洩揭去卽洩而成胎如
不信將衰老之人試之可驗功效無比修治時
須擇日齋戒勿令婦人雞犬見之衰弱年老人
每張用六七錢至八錢止

東京神田區富山町九番地

沼野孝太郎

